



28-05-2018

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

**Naalakkersuisunut apeqqutit:**

- 1. Akileraartarneq pillugu iluarsartuussinissaq sulinermit ilanngaataq ilanngullugu suliarineqalerpata Naalakkersuisut illuatungiliuttut ilaatissamaarnerlugit aamma taamaassappat qanormita?**
- 2. Naalakkersuisut qinnuigineqarput kisitsisinngorlugu takussutisseqqullugu sulinermit ilanngaataq ukiumut imatut aningaasartalik: 1.000 koruuninik, 5.000 koruuninik, 10.000 koruuninik, 15.000 koruuninik, 20.000 koruuninik, 25.000 koruuninik aamma 30.000 koruuninik eqqunneqassagaluarpat tamanna Landskarsimut qanoq akeqassanersoq. Naalakkersuisut kisitsisinik takussutissiinerminni nikerarnerit sunniutaat ilanngutissanngilaat.**
- 3. Pisortanit ikiorsiissutinik pisartagallip ataatsip sulilernerani Landskarsimut qanormita ilunaarutaasarpa? Piffissap ingerlanerani kisitsisit assigiinngitsut eqqaaneqartarnikuupput naliginnaanerusimavorli taaneqartarluni ukiumut 250.000 koruunit ilunaarutigineqartartut.**
- 4. Naalakkersuisummita akileraartarnermit iluarsartuussinerup (ilanngullugu sulinermit ilanngaataq) qanoq aningaasalersorneqarnissaa takorloorpaat? Tamanna pissava taamaallaat akileraartarnermit aamma akitsuutinik allanngortiterinikkut imaluunniit pisortat ingerlatsiviisa angissusaat qissiminneqassamaarpa aamma inunnik ikiorsiissutit annertussusaat?**
- 5. Naalakkersuisut akuerinerlugu sulinermit ilanngaammik eqqussineq ilunaarutissartaqartoq aamma taamaattoqarsimappat suut sunniutit Naalakkersuisut tikkuarusuppaat? Naalakkersuisut oqaatigerusussinnaanerlugu nikeriarnerit tikkuakkatik qanoq annertutigissanersut taamaasillunilu taakku landskarsimut qanoq ilunaarutaatigissanersut?**
- 6. Inatsisartut maajip ulluisa 24-ani ataatsimiinneranni immikkoortoq 17-p oqallisiginerani Aningaasaqarnermit Naalakkersuisoq oqarpoq sulinermit ilanngaataq eqqunneqassagaluarpat tamanna akissarsiaqqortunerit immikkut akileraartalernerannik akilerneqarnaviannngitsoq. Demokraatini paaserusupparput Naalakkersuisut taamatut oqartoqarnikuunera uppersarsinnaaneraat.**
- 7. Akileraartarneq pillugu iluarsartuussinissaq pingajalersoq pillugu Naalakkersuisut allanik soqutiginarlutik paasissutissiinnaanerlutik?**  
(Inatsisartunut ilaasortaqaq Randi Vestergaard Evaldsen, Demokraatit)



### **Begrundelse**

Naalakkersuisoqatigiinnissamut isumaqatigiisummi paatsuugassaannngitsumik allassimavoq Naalakkersuisut sulinermut ilanngaatiq eqqunneqarnissaa kissaatigigaat. Aningaasaqarnermut Naalakkersuisup Aningaasaqarnermut Ataatsimiititaliamut oqaatigaa naatsorsuutigalugu pineqartoq pillugu siunnersuummik Inatsisartunut aatsaat 2019-mi saqqummiussisinnaassalluni.

Demokraatini sulinermut ilanngaat tapersersortorujussuuarput aamma kissaatigisorujussuuarput tamanna akileraartarnermut iluarsartuussinermut ilanngunneqassasoq, iluarsartuussinerummi pingaarnertut siunertarisussaavaa sulinermut imminut akilersinnaanerulernissaa. Neriuppugut Naalakkersuisut akileraartarneq pillugu iluarsartuussinissami, sulinermut ilanngaatiq aamma oqallisigineqarfissaani suleqatigiseriumaaratigut.

Inuiaqatigiinnummi pingaaruteqarpoq pisortanit pilersorneqarnerup suliffeqarnerullu assigiinnngissutaasa suli anginerulernissaa, suliffissaaleqisut suliffissarsiornissaminnut kajumissusaat angineruleqqullugu. Kanngunartuliornepajaarpoq suliffeqarfiit nunani allaniit ilinniarsimannngitsunik sulisussaminnik tikisitsisariaqartarnerat uffa nunatsinni suliffissaaleqisoqartoq.

Apeqqutikka akeqqakka ullut suliffiit naliginnaasut qulit iluanni.

.